

مُخْتَصَرٌ  
٦٦  
١٩١  
الْقَلْبِي  
حلمة



## قدوری

عصر نده ممالک عراقیہ ریاست حنیفہ بی احراز ایلمشدر .  
صاحب تقوی بر استاد کاملدر . مناظرہ و مباحثہ بی چوق  
آرزو ایدر ایدی . حتی اکثر ایام حیاتی بو صورتله کچمشدر .  
ائمہ حنیفہ دن ابوحامد اصفہانی بر چوق مباحثاته کیریشمشدر .  
حنیفی المذهب ایدی . کبار مشایخدن احادیث شریفه  
روایت ایلدی ، فقہادن اولدقلری بین العلماء مسلمدر .  
خطیب بغدادی مشارالیهک اسمی سلسله مشایخ کرامه ادخال  
ایلدی . اسمی ( ابوالحسن احمد بن محمد بن جعفر الهمدانی ) در .  
حسن افادیه مالک اولدقلرندن زلال بیان ایله بتون تشنکان  
فقه شریفی اروا واسقا ایلمشدر . اوچ یوز آلتمش ایکی سنه سنده  
دنیا یه کلدی . ( قدوری ) ضم قاف ایله چوملک معناسنه اولان  
( قدور ) - مفردی ( قدر ) - ک نسبتیدر . مشارالیهک بونامه  
وجه نسبتی آکلاشیله مامشدر . سمعانی بوبابده برشیء سویلمسور .  
معتبر بارینخلرک بیاننه کوره ( قدور ) بغداد داخلنده بر قریه  
اسمی ایتمش . اوراده طوغمشلر . حق فقهه دائر تالیف بیور .  
دقلری ( قدوری ) کتاب فوائد نصاب بواسمله مشهوردر .  
مذکور کتابی صاحب هدایه ( مختصر ) اسمنده کی اثرینه زمین  
اتخاذ وحسامک ( جامع الصغیر ) بنی دخی برلشدیروب ( هدایه )  
نام اثری تالیف ایلمشدر .

(قدوری) حضرتلری علم فقہی (ابو عبدالله محمد بن یحیی الجرجانی) دن اخذ ایلدی . بر قاج بطن صکره امام اعظم حضرتلرینه واریر . کندیلری اوچنچی طبقه دن معدوددرکه حائز اولدقلری امتیازی کتابک اولنده بیان ایلمشلدردر . فقهادن اقطع دیمکله معروف اولان (ابوالنصر احمد بن محمد) و (عبد-الواحد بن علی) قدوری حضرتلرندن فقه شریف او قومشلدردر . ایام حیانتک قسم کلیسنی تلاوت قرآن کریم ایله کچیرمشدر . مختصر سرخییه بر مکمل شرح همت بیوردی . فقه شریفه خدمات متوالیه سی سبق ایدن قدوری شافعی ایله حنفی مذهبلی آره سنده مختلف فیه اولان مسائل شرعییه بی جمع ایدرک یدی جلددن عبارت اولان (تجوید) نام اثر مهمی یازمشدر . بونکله قناعت ایدمه مین بوغیور فقیه اصحاب حنیفیه میاسنده وقوع بولان اختلافاتی دخی طویلایه رق آثار کالاتروریلرینه بر لاحقه کرانها اولمق اوزره (تقریب) اسمنده بر کتاب دها یازدی . بریسی مسائل غیر معلمه ودعاوی غیر معلمه بی حاوی ، دیکری ده مسائل مع اللائلی جامعدر . (مختصر) نام اثرینی مخدوملری محمد نامنه تألیف ایلدی . درت یوز یکریمی سکزنجی سنه سنده رجب شریفده پنچشنبه کونی بو عالم فانییه وداع ایتدی . ضیاعی بالمله ارباب عرفانی ضریق حزن ایلمشدر . وفاتندن هر کسک چشمندن دموع تأثر آقشدر . جسد مبارکلری بغداد جوارنده بر قریه دن دفن اولمش ایدی . صکره دن چیقاریله رق بغداده شارع منصوریه مقابرنده ودیعه خاک غفران ایدلمشدر . رحمة الله علیه .

تراجم احوال فقها